



Siverth K. Heilmann

UPA 2023/103-1

Atassut

4. maj 2023

Kommuunit oqaloqatigalugit inuit napparsimanermik pissuteqartumik suliffissarsiortut ikiorsiissutinik qinnuteqartut qanoq pitsaanerpaamik aalajangiinissap tungaanut aningaasartuutiminnik akissaqarnissaannut sullinneqarnissaannik qulakkeerinninnissamut Naalakkersuisut peqquneqarnissaannik Inatsisartut aalajangiiffigisassaattut siunnersuut.

(Inatsisartuni ilaasortaq Doris J. Jensen, Siumut)

Siunnersuuteqartoq, inatsisartuni ilaasortaq Doris J. Jensen, Siumut, qujanaq siunnersuummut, imatullu Atassummiit naatumik oqaaseqarfigissavarput.

Inuk kinaluunniit, napparsimalersimanermi kingunerisaanik sulisinnaajunnaarnersiuteqartarnermut pisinnaatitaaffeqareerpoq, nakorsat allakkatigut uppersaanerat aallaavigalugu, Kommuunet Inuunik isumaginninnermut ataatsimiititaliaasinnaavoq aalajangiisarpugut. Taamaalluinnarporlu aamma siunnersuuteqartup kræfteqalerluni, qaratsakkulluunniit anaartorneq, taqqamikkut milittoornerit il il tikkuarneqartunut.

Nakorsiaraluarluni angerlartitaaginnartarnerup kingunerisaanik allatigulluunniit patsiseqartumik, inuit toqkkut qimaguttarneri amerlavallaarujussuartut, peqqinnissaqarfittalu ajornartorsiorneranik Atassummiit uparuaatigisarpassuagut innuttaasunit politikkeriniillumi arajutsisimaneqanngillat.

Partiini imminut assertuukkunnaarluta paaseqatigiissutiginiartigu, ilumut peqqinnissaqarfiitta nutaamik aqqissuussisimanerput torrallassimaneripput pitsaaqutit sanngheetit, nakorsaaleqinerujussuutalu qanoq ililluta anigorniarnissaanut nalilersuiniarta. Aap nunarsuatta ilaani aningaasarissaarnerusut nakorsassaaleqinnginnerupput aammali inoqarfiit mikisuni, ungasianiik nakorsiararnerup iluatsisimaarnerujussuat ingerlalluartut usornaqaat.

Isorartoqisumut akisoqisumut sivisoqisumillu nakorsiarititsisarnigut, innuttaasunut ilungersuatitsivugut illoqarfinnilu utaqqitisinerujussuit, kingusinaartumillu suut nappaatiginerlutigit paasisarpagut.

Siunertaqarluartumik aaqqiissutaasinnaasunik paaseqatigiikkutta, innuttaasut peqqissut sulisinnaasut namminerlu aningaasarsiortut pisariaqartippagut, qallunaat nunaannullu nussornerit il il ikiliinaratik ilorraap tungaanut alloriarnissarput pisariaqartipparput.

Sorpassuit Atassummiit oqaasinnguisarsimasagut uteqqinngikkaluarlugit, inassutigiinnassavarput suliap aappassaaneerneqartigani inatsisartut ataatsimiititaliaannut susassapartumut peqqissaarullugu nalilersorneqassasoq.

Qujanaq.